

Neqeroorfigitittup neqeroorummik tigusinissaminut pisussaaffii aamma tigusinissaminut piginnaatitaaffii pillugit Kalaallit Nunaannut nalunaarut

Aktie- aamma anpartsselskabit pillugit inatsimmi, kunngip peqqussutaatigut nr. 486, 14. maj 2018-meersukkut Kalaallit Nunaannut atuuttussanngortinneqartumi § 71, imm. 4 aamma § 367, imm. 4 naapertorlugit aalajangersarneqarpoq:

Pisinissamik naatsorsuineq

§ 1. Aktieselskabit pillugit inatsimmi, kunngip peqqussutaatigut Kalaallit Nunaannut atuuttussanngortinneqartumi § 70, imm. 2, oqaaseqatigiit pingajuat malillugu pisinissamik naatsorsuineri, aktiat taasisinnaanermullu piginnaatitaaffii, neqerooruteqartup pigisai, taamaallaat ilanngunneqartarput.

Imm. 2. Ingerlatseqatigiiffik nammineepluni aktiaateqarpat, imm. 1 malillugu naatsorsuineri taakkua ingerlatseqatigiiffiup aktiatigut aningaasaataanut ilanngullugit naatsorsorneqassanngillat.

Pineqaatissiinerit

§ 2. § 1-imik unioqqutitsisoqarneranut akiliisitsisoqassaaq.

Imm. 2. Kalaallit Nunaanni pinerluttulerineri inatsimmi kapitali 5-imi malittarisassat malillugit ingerlatseqatigiiffii il. il. (inatsisitigut pisinnaatitaasut pisussaataasullu) pinerluttulerineri inatsisitigut akisussaatinneqarsinnaapput.

Atuutilersinneqarnera

§ 3. Nalunaarut ulloq 1. juli 2018-imi atuutilersinneqarpoq.

Imm. 2. Neqeroorfigitittup neqeroorummik tigusinissaminut pisussaaffii aamma tigusinissaminut piginnaatitaaffii pillugit Kalaallit Nunaannut nalunaarut nr. 795, 28. juli 2008-imeersoq atorunnaarpoq.

Erhvervsstyrelsi, ulloq 29. maj 2018

HENNING STEENSIG

/ Henrik Davidsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut